

6. Mehemea tera tetahi wahi whenua e mahia ana ki te kai, he mara, he waerenga, he patiki na tetahi tangata ahakoa he papatupu kaore ranei, kua wehewehea kaore ranei, ko te tangata, aha koa whaitake kahore ranei kei a ia taua maara, waerenga, patiki ranei mana e whakatutuki te whakahau a te Kaunihera, a me tiaki e ia nga taru kikino me patu i te wa e mahia ana hei mara, patiki ranei a mo nga marama tekau-ma-rua i muri iho i te mahuetanga atu.

7. Mehemea ka kore tetahi tangata e patu i nga taru kikino o tona whenua e ahei ana te Kaunihera ki te whakapau moni hei patu i aua taru, a ki te tono ki taua tangata kia utua aua moni, a ki te hamene mehemea ka kore e utua.

Na, mo te taha ki nga Ropu Takiwa pakeha, i te mea ko ratou te hunga tino whaimana i raro i te Ture mo nga taru kikino, i whiriwhiri te Huihuinga penei: "Ko te hiahia o tenei Huihuinga me ma roto i nga Kaunihera Maori nga whakahau a nga Ropu takiwa mo te taha ki nga whenua Maori, a ma te Kaunihera Maori e whakahaere i runga i ana huarahi aua whakahau a te Ropu Takiwa."

NAMA 8.

I te mea e iti ana nga huarahi e taea ai te apiti nga moni e puta ana ki nga Kaunihera a e ahei ana kia whakapaua mo nga mahi whakapai marae, na reira te Huihuinga Nui ka whiriwhiri a whakaotia ana enei motini:—

1. He mea tika kia whakawhanuitia nga huarahi e taea ai te awhina nga mahi whakapai Marae i roto ranei i nga moni mo te Taha Maori (Native Civil List) i roto ranei i nga moni kei raro i te Tari Whakahaere i te Ora mo te Katoa.

2. I te mea kua rangona he moni ano i pootitia e te Paremete hei awhina i nga puna wai me nga wai tika mo nga pa Maori, a i tukua ki raro i te Tari Whakahaere i te Ora mo te Katoa, e tono ana tenei Huihuinga kia whakaraha ake taua moni a kia whakawhanuitia nga take hei whakapaunga mo taua moni kia uru ai ki roto era atu mahi whakapai Marae e whakamanaia e te Tari Whakahaere i te Ora mo te katoa, e ana Apiha ranei.

3. E tono ana tenei Huihuinga ki te Minita Whakahaere i te Tari o te Ora mo te Katoa ki te Kawanatanga hoki, kia pai ratou ki te whakatu i etahi tangata hei Kaitirotiro mo nga kainga Maori:—

- (a.) Kia kotahi Kai-tirotiro mo nga takiwa Kaunihera e rua.
- (b.) Me mahi ratou i raro i nga tohutohu a te Tari o te Ora mo te Katoa, a i runga hoki i a nga Kaunihera o nga Takiwa i tu ai ratou.
- (c.) Ma ratou nga Komiti Marae e tohutohu mo nga mahi whakapai Marae.
- (d.) Ina ripoata ratou ki te Tari Ora mo te katoa me tuku tetahi kape o te ripoata ki nga Tiamana o nga Kaunihera mo nga takiwa i tu ai ratou.

NAMA 9.

Etahi take takitahi pa motuhake ki etahi takiwa.

1. Ko te kaupapa paeroa i hanga e te Kaunihera o Te Arawa mo nga paki, &c., me nga hoiho haere i te piriti me te pa i te Whakarewarewa i whiriwhiria e te Huihuinga a meatia ana kia ripoata atu ki te Minita Maori kia whakamanaia.

2. I pera ano te whakaaro a te Huihuinga mo etahi paeroa hou a te Kaunihera o Mahunui.

3. Ko te tono a Tuhoe (Te Urewera) kia tu ki Ruatoki te Huihuinga Nui o nga Kaunihera a te tau 1904 i tukua atu ma te Kawana e whiriwhiri.

4. I pitihana a Taiawhio te Tau me etahi atu o te takiwa o Wairarapa kia wahia kia rua Kaunihera mo te takiwa o Rongokako:—

Whiriwhiria ana e te Huihuinga Nui e kore e ahei kia whakaaetia te inoi a nga Kai-pitihana, engari me ata whiriwhiri te Kaunihera o Rongokako i nga hiahia o nga Kai-pitihana; a me whakaaro hoki nga Kai-pitihana ka tata te pooti hou he mema mo to ratou Kaunihera, a hei reira pea e taea ai te whakatikatika nga wahi o te whakahaere a te Kaunihera e whakaaro ana ratou e taimaha ana kia ratou.

5. I whakataua e te Huihuinga Nui kia utu ia Kaunihera i te te moni £1 7s. 6d. hei perehi mo nga pukapuka (forms) e hiahia ana ratou, a hei whakaaro hoki ki te karaka me te pirihi- mana o te hui i Rotorua.

Approximate Cost of Paper.—Preparation, not given; printing (1,475 copies), £10 7s.

By Authority: JOHN MACKAY, Government Printer, Wellington.—1903

Price 6d.